



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Diabierna tur suposicionnan di Ministerio Publico contra Otmar Oduber lo wordo desbarata

DIABIERNA, porfin despues di 5 aña y 3 luna cu e caso aki ta andando, oficialmente defensa di Otmar Oduber lo tin oportunidad pa desenmascara cada un di e suposicionnan presenta den sala di corte pa Ministerio Publico. T

a trata di conclusionnan cu nan a saca, pero no tin ni un prueba, pasobra no tin un hende cu ta acusa Otmar Oduber den henter e caso, no tin ni un hende cu a ofrece ni un cen preto pa a duna un tereno of un trabou.

A para bira cu si ta forma parti di un partido politico y a haya un trabou, a pesar cu a cana henter e caminda y a cumpli tur e reglanan, e no por yega na remarke pa haya un trabou. Papiando riba e acusacion di nombracion di 7 persona, Otmar a indica cu tur director cu ta wordo bisa den e acusacionnan cu e lo a pone presion riba nan pa politicamente nombra e hendenan aki, nunca nan a wordo scucha door di Ministerio Publico.

Riba peticion di Otmar Oduber y como testigo, cada un di e directornan aki y management team cu tabatin na DIP, Serlimar y DOW, den nan declaracionnan na rechter commissaris y cu lo bin diabierna awo dilanti, ta ratifica cu no solamente no tabatin metemento politico, sino cu nunca nan a ricibi of sinti presion, y mas ainda, nan a describi e proceso manera cu e hendenan a wordo tuma den e instancianan conforme e regla y leynan cu nan tin. Ta trata aki di Sr. Marlon Croes, Sr. Davelaar, Sra. Werleman, Sr. Croes y Sr. Errol Sjak-Shie.

Otmar ta bisa cu si e la haya 1 of 2 whatsapp di hende cu despues di a haya nan trabou ta gradicie, pero ta ken na Aruba ora e haya un vergunning, un tereno, un permiso, of kico cu ta, y ta topa e minister riba caya no ta gradici'e. *"Otmar Oduber no a participa den eleccion 2021, kiermen cu Otmar Oduber no mester a haci ningun favor na ningun hende p'e haya voto. Mayoria di e 7 hendenan cu a wordo nombra, a wordo nombra p'e departamentonan/sui generis, entre e periodo di september 2019, ora mi a anuncia mi retiro, cu 12 di december 2019, ora mi a retira".*

Esaki y tur otro prueba lo wordo presenta na hues diabierna awo, hues lo bay scucha di tur e testimonian cu Ministerio Publico no kier a scucha. Mientras cu ta acusa Oduber di a forsa directornan pa tuma hende den servicio, pero di otro banda no a scucha e directornan nunca. Tur e directornan aki, den e ultimo

getuigenverhoor a declara un pa un, cu e cos aki ta absurdo. *"Aruba no ta sali gana, e caso aki no ta nada otro cu purba influencia un biaha mas e decision di e comunidad aki p'e eleccion cu ta bin nos dilanti.*

P'esey Otmar a scoge pa publicamente hiba mi defensa y diabierna awo defensa lo tuma luga den corte caminda cada un di e acusacionnan aki lo wordo desenmascara y desbarata, pasobra no tin nada. Di un criminal cu supuestamente lo tabata laba placa y bende terenonan pa miyones pa algun hende cu supuestamente lo a wordo nombra y un cu a haya tereno entre 1800 cu tambe a haya, pasobra kier pone cosnan drechi na DIP.

Comunidad di Aruba boso por ta sigur y tin e fe cu den e proximo gobierno nos lo continua cu un maneho habri y transparente a base di e programa, di e plan cu partido PPA a presenta. Un plan caminda cu nos ta bisa cu nos ta para pa haci cambionan radical na favor di e comunidad aki, di e pueblo di Aruba. Nos ta bay cuminsa cerca nos mes, caminda cu nos ta bay baha gasto di gobierno cu 12% pa nos por duna nos pensionadonan bek nan remedinan, pa elimina e bashi cu e pensionadonan tin pasobra e entrada cu nan tin no ta yega pa nan por come tur dia. Nos ta bay baha gastonan di gobierno pa hunto cu AZV duna contenido bek na salubridad na Aruba caminda hendenan no tin cu bay warda 6-7 luna pa nan por wak nan dokter. Pa nos hendenan por haya nan remedinan bek. Nos compromiso ta cu e pueblo".

Otmar Oduber a bay e contienda politico aki cu e fervor di sa y cu pueblo di Aruba sa for di delanta kico tabat'e plan di Ministerio Publico y p'esey awe e ta gradici Dios, su tata y su ruman homber cu ta cuid'e di ariba p'e gui'e y guia e pasonan cu e ta tuma. Na momento cu el a tuma e decision di bolbe politica, a sabiendas cu e caso ta tuma luga, ta pasobra cambionan grandi lo bin na december pa bida di Otmar Oduber y pa pais Aruba.

Awe cu por a scucha kico Ministerio Publico ta tras di dje, pueblo por ta confia cu Otmar hamas den su funcion el a ricibi un florin of un favor. A bay asina leu cu e placa cu a wordo confisca e tempo ey na cas di su mayornan, placa di dje, di su mayornan y di su yiunan, tur a wordo debolbi bek, sin cu un dia Ministerio Publico a haci Otmar ni un solo pregunta den e 5 añanan y 3 luna di e caso riba e fondonan aki. *"Simplemente pasobra no tabatin nada robes. Semper ma funciona den forma habri y transparente".*

Despues di a gasta miyones di e pagado di belasting

Ministerio Publico no a presenta nada riba locual nan a cuminsa e caso contra Otmar



OTMAR Oduber, for di cas di su mayornan, a papia bon cla riba e situacion di caso Flamingo y a desbarata e conclusionnan cu Ministerio Publico a presenta dialuna, mientras cu diabierna awo su defensa lo hiba palabra den corte.

Finalmente despues di 5 aña por a scucha voznan di Ministerio Publico, pero pa ta un vocero di Ministerio Publico, e persona aki

a zona bastante confundi y bruha, pegando hopi den su declaracion. Esaki ta algo cu ta pasa ora ta pone cosnan padilanti cu no ta cuadra cu e realidad. Oduber ta indica cu ta bisto e influencia cu Ministerio Publico kier tin riba e

sistema democratico di nos isla.

Algun siman atras tabatin un 'misinformation' riba e dia cu e caso lo a tuma luga, unda a wordo avisa cu esaki lo tabata dia 6 di december, dia di eleccion, siendo cu esaki no ta e caso, ya cu for di algun luna a stipula cu e caso lo a cuminsa 18 di november. E caso ta ya caba den su fase final, diabierna defensa lo hiba palabra, dialuna proximo lo tin e discusion entre hues y e dos partidonan y despues di esaki lo mester warda pa un veredicto.

Otmar Oduber ta keda respeta y kere den nos sistema hudicial, e imparcialidad cu tin pa loke ta nos huesnan, pero lamentablemente pa loke ta trata Ministerio Publico e no por papia mescos. Ministerio Publico a dura 5 aña y 3 luna, cu e caso aki. Nan a gasta entre 8 pa 10 miyon Florin den e caso aki y finalmente ora a presenta den corte e supuesto pruebannan, no ta nada riba lo cual nan a cuminsa e caso cu ne mas cu 5 aña pasa.

Hasta por a wak vocero di Ministerio Publico 'downplay' e echo di e BCInan cu tabatin acusacionnan contra Otmar Oduber di entre otro labamento di placa, bendemento di tereno comercial, organisacion criminal cu e lo tabata forma parti di dje y enrikeciendo ilicito.

"Ayer a pueblo di Aruba por a wak cu Otmar a papia e berdad! Nada di esaki ta den e acusacionnan mas. Nada! Y awo a para bira cu si Otmar conoce un hende, of si un hende a vota pa partido POR den pasado, posiblemente pa partido PPA awo y por ta ainda nan por bin bek riba mi ora mi tabata den partido AVP, esey ta motibo pa bo persigui un politico".

Si sigui e mensahe aki di Ministerio Publico, ta uno cu for di aña 1986 te awe, mester pasa piki tur minister, cera tur hende pasobra tur politico conoce un hende na Aruba, tur politico a papia cu un hende y a scuch'e y a bis'e cu ta bay wak con por yud'e. Esey ta algo normal den tur campaña y e ta sosodiendo awo tambe. "

Ma hacie antes y mi ta haciend'e atrobe, pasobra esey ta trabou di un politico. Politico t'ey pa presenta su plan, su vision, y e t'ey pa trece solucion, alivia y yuda su comunidad". Topa un hende y bis'e cu ta bay yud'e, cu ta bay follow-up p'e, no tin nada robes si no ta bay en contra di e reglanan y leyman existente pa por beneficia e persona.

Christmas Menu

APPETIZER
Sopi Pampuna

.....

ENTREES
Ayaca
Ham di Pasco
Pan de Hamon
Salada di Macaroni

.....

DESSERT
Quesillo

.....

LOCATION
Caya Harmonia 1. Lokaal 2
(+297)731-1224

.....